



Broj: T09 0 KTPO 0198455 25
Sarajevo, 24.03.2026. godine

OPĆINSKI SUD U SARAJEVU
Sudija za prethodno saslušanje

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, podižem

O P T U Ź N I C U

PROTIV:

ANTONIO MRNJAVAC zv. „Mrnjo“, rođen 1992. godine, sa prebivalištem po CIPS-u na adresi, sa boravištem u, po nacionalnosti Hrvat, državljanin Bosne i Hercegovine i Republike Hrvatske, sa završenom SSS, po zanimanju prometni tehničar, neoženjen, nema djece, po izjavi nije služio vojni rok ali je radio u Oružanim snagama BiH i ima čin razvodnik, nema čin rezervnog vojnog starješine, prema izjavi vodi se u vojnoj evidenciji u rezervnom sastavu Oružanih snaga BiH, nije odlikovan, lošeg imovnog stanja, JMBG, neosuđivan, ima određene mjere zabrane Rješenjem Općinskog suda u Sarajevu od 11.12.2025. godine, a produžene Rješenjem Općinskog suda u Sarajevu od 17.03.2026. godine, zastupan po braniocu, advokat iz Sarajeva

što je:

Dana 03.10.2024. godine u Sarajevu, kao tražilac kredita, s ciljem da sebi pribavi kredit, što je i htio, **dao neistinite podatke koji su značajni za dobijanje kredita** na način da je davaocu kredita, sa sjedištem u ul., podnio Zahtjev za kredit od 03.10.2024. godine na obrascu na svoje ime u iznosu od 50.000,00 KM, na kojem obrascu se ujedno nalazio i zahtjev za kreditnu karticu u iznosu od 1.100,00 KM, te zahtjev za kreditirani tekući račun sa traženim iznosom prekoračenja po kreditiranom tekućem računu u iznosu od 1.000,00 KM, a koji zahtjev je svojeručno popunio u rubrici „podaci o podnosiocu zahtjeva“ i rubrici „podaci o zaposlenju i prihodima klijenta“, te potpisao u rubrici „potpis podnosioca zahtjeva“, u kojem zahtjevu je naveo neistinit podatak u rubrici koja se odnosi na otvorene račune u drugoj banci, gdje je naveo da ima otvoren račun u banci, iako je znao i bio svjestan da nikada u banci nije imao otvoren račun, te uz zahtjev za kredit pored kopije lične karte i CIPS prijave, **priložio i krivotvorenu dokumentaciju sa neistinitim sadržajem**, koju je prethodno pribavio na njemu poznat način i od njemu poznate osobe, a čiji je izdavalac kako je navedeno Javno preduzeće Elektroprivreda BiH, Termoelektrane Kakanj, i to popunjen obrazac banke „Potvrda poslodavca o

primanjima i Izjava o provođenju administrativne zabrane na primanja dužnika (popunjiva i ovjerava poslodavac)", ovjerenu u računovodstvu, koju potvrđuje Mrnjavac Antonio svojeručno potpisao u rubrici „potpis dužnika“, a u kojoj potvrđuje je navedeno da je zaposlenik Javnog preduzeća „Elektroprivreda BiH, Termoelektrana Kakanj“ na radnom mjestu mašinski tehničar, da je prosječan iznos njegove neto plate u posljednja tri mjeseca 1.702,86 KM od 03.10.2024. godine, te Ugovor o radu na neodređeno vrijeme zaključen između navedenog javnog preduzeća i njega, broj: od 25.04.2022. godine, tri posljednje platne liste JP Elektroprivreda BiH, TE Kakanj, za mjeseci 6., 7. i 8. mjesec 2024. godine i tri izvoda iz banke po tekućem računu broj: na njegovo ime za period od 01.07. do 31.07.2024. godine, od 01.08. do 31.08.2024. godine i od 01.09. do 30.09.2024. godine, iako isti nikada nije bio zaposlenik navedenog Javnog preduzeća pa samim tim nije ni ostvarivao mjesečna primanja u vidu plaće i drugih naknada, već je u vrijeme podnošenja zahtjeva za kredit bio nezaposlen i nije primao platu putem računa u nekoj od banaka u Bosni i Hercegovini, te nije bio komitent i nije imao otvoren račun u istoj, **pa svjestan da je naprijed navedena krivotvorena dokumentacija lažnog sadržaja, te da je od značaja za dobijanje kredita, istu na njemu poznat način pribavio i u cilju da za sebe pribavi kredit takvu dokumentaciju priložio uz navedeni zahtjev za dobijanje kredita, što je i htio**, na koji način je dao neistinite podatke o zaposlenju i visini mjesečnih primanja, te time doveo u zabludu davaoca kredita, pa je nakon analize zahtjeva i priložene dokumentacije kreditni odbor odobrio naprijed navedeni nenamjenski kredit, kreditirani tekući račun i kreditnu karticu za klijenta Antonia Mrnjavca, i to gotovinski kredit u iznosu od 50.000,00 KM zaključivši sa njim dana 21.10.2024. godine Ugovor o nenamjenskom kreditu broj partije:, koji je Mrnjavac Antonio svojeručno potpisao, potom dana 21.10.2024. godine Ugovor o kreditiranom tekućem računu, kojim je dozvoljeno prekoračenje po tekućem računu u iznosu od 1.000,00 KM, broj partije:, koji ugovor je Mrnjavac Antonio svojeručno potpisao, te dana 31.10.2024. godine Ugovor o kreditnoj kartici kojim je odobren limit računa kreditne kartice u iznosu od 1.100,00 KM, broj partije, koji ugovor je Mrnjavac Antonio svojeručno potpisao, te je **po osnovu navedenih odobrenih kreditnih sredstava** dana 25.10.2025. godine sa svog tekućeg računa gotovinski isplatio i preuzeo u gotovini odobrena novčana sredstva koja su se sastojala od **kreditnih sredstava po osnovu ugovora o nenamjenskom kreditu**, broj partije: u iznosu od **47.257,92 KM** i **sredstava po kreditiranom tekućem računu**, broj: u iznosu od **742,08 KM**, na koji način je sebi pribavio imovinsku korist u vidu ukupno isplaćenih kreditnih sredstava u iznosu od **48.000,00 KM**, a Ziraat banci pričinio štetu u najmanje istom iznosu,

Dakle, dao neistinite podatke kako bi osigurao dobijanje kreditnih sredstava za sebe, u vrijednosti koja prelazi 10.000,00 KM,

Čime bi počinio krivično djelo Obmana pri dobijanju kredita ili drugih pogodnosti iz člana 268. stav 2. u vezi sa stavom 1. KZ F BiH,

II

Tužilaštvo u smislu odredbi člana 212. Zakona o krivičnom postupku F BiH u vezi sa članom 207. stav 2. Zakona o krivičnom postupku F BiH predlaže da se osumnjičeni Antonio Mrnjavac obaveže na naknadu stvarno pričinjene štete oštećenom pravnom licu u visini postavljenog **imovinsko pravnog zahtjeva** u iznosu **od 52.169,90 KM**.

PRIJEDLOG ZA PRODUŽENJE MJERA ZABRANE

prema osumnjičenom:

ANTONIO MRNJAVAC zv. „Mrnjo“, rođen 1992. godine, sa prebivalištem po CIPS-u na adresi, po nacionalnosti Hrvat, državljanin Bosne i Hercegovine i Republike Hrvatske, sa završenom SSS, po zanimanju prometni tehničar, neoženjen, nema djece, po izjavi nije služio vojni rok ali je radio u Oružanim snagama BiH i ima čin razvodnik, nema čin rezervnog vojnog starješine, prema izjavi vodi se u vojnoj evidenciji u rezervnom sastavu Oružanih snaga BiH, nije odlikovan, lošeg imovnog stanja, JMBG, neosuđivan, ima određene mjere zabrane Rješenjem Općinskog suda u Sarajevu od 11.12.2025. godine, a produžene Rješenjem Općinskog suda u Sarajevu od 17.03.2026. godine, zastupan po braniocu, advokat iz Sarajeva.

Tužilaštvo predlaže da sud, nakon potvrđivanja optužnice, u skladu sa odredbama člana 140. stav 2. i 140a. stav 1. tačka d) i stav 2., te člana 140c. stav 2. i 5. i člana 140e. Zakona o krivičnom postupku Federacije Bosne, osumnjičenom **Mrnjavac Antoniu** produži mjere zabrane koje su mu određena Rješenjem Općinskog suda u Sarajevu od 11.12.2025. godine, a produžene Rješenjem Općinskog suda u Sarajevu od 17.03.2026. godine, i to:

- 1. Privremeno oduzimanje putne isprave i to važećeg pasoša/putovnice Republike Hrvatske**, uz zabranu izdavanja novih putnih isprava, kao i zabranu korištenja osobne karte za prelazak državne granice Bosne i Hercegovine (zabrana putovanja) iz člana 140. stav 2. ZKP FBiH, te će se na osnovu člana 140e. stav 2. ZKP FBiH mjera zabrane izvršiti od strane Granične policije unošenjem zabrane u Glavni centar za obradu podataka,
- 2. U skladu sa članom 140a. stav 1. tačka d) ZKP FBiH**, osumnjičenom se nalaže - obavezno javljanje jednom sedmično, svaki ponedjeljak u vrmenu od 08.00 do 12.00 sati, u Policiju upravu Kiseljak, o čemu će ovlaštena službena osoba voditi evidenciju, te jedanput mjesečno o podacima iz te evidencije obavještavati Općinski sud u Sarajevu;

TUŽILAC